



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

Parisiis, 1644

XLVI. Epistola Ivliani Episcopi Coensis, Ad Leonem Imperatorem. Piissimo atque fidelissimo victori atque triumphatori Leoni, principi semper Augusto, Iulianus humilis episcopus Coensis.

urn:nbn:de:hbz:466:1-14887

feu explanata sunt de Domini nostri Iesu Christi incarnatione, confirmauerunt atque consignauerunt. Vnde vestram pietatem suppliciter exoramus, vt dum vna sit dominatio Patris & Filii & Spiritus sancti, & eiusdem fidei vniuscuiusque baptismatis, & nos vnum atque idem sapiamus, & in vna sancta & consubstantiali & adoranda Trinitate baptizati sumus, sicut & Dominus noster Deus & saluator Iesus Christus sanctis discipulis suis iniunxit: pacem quidem & nunc sanctis ecclesiis conferatis, & retinaculum ori apponatis haeretico, quod indisciplinabile eorum & inobedibilem arceat intellectum. Non enim ad ecclesiarum aedificationem, sed ad destructionem simplicium populorum, contentiones excitare noscuntur. Hæc itaque a mea paruitate mediocriter, vt potui, dicta sunt: tu vero domine Christo amabilis atque laudabilis, cuius potestas & virtus in manu Domini est, quod tibi reuelauerit Deus, & in tuo corde fuerit consuete locutus, hoc in omnibus sancire dignare. Nouimus enim & credimus, quoniam qui te vnxit in regem Iesus Christus Deus & saluator noster, ipse tibi sicut Dauid & Danieli suam sapientiam condonauit, ad robur quidem & augmentum sanctarum Christi ecclesiarum, & ad aedificationem atque constantiam fidelium populorum. Quæ tamen acta fuerint apud consacerdotes in Concilio apud nos celebrando secundum sacram vestram & adorabilem sanctionem, post non multum vestræ pietati declarabuntur.

Ego Agapitus episcopus Rhodiorum, orans Dominum incolam valere, & longo sæculo conseruari Christo amabile vestræ serenitatis imperium, manu mea subscripsi.

XLVI.

EPISTOLA IULIANI EPISCOPI
COENSIS, AD LEONEM IMPERATOREM.

Piissimo atque fidelissimo victori atque triumphatori Leoni, principi semper Augusto, Iulianus humilis episcopus Coensis.

EGO, domine Christo amabilis imperator, illam sapientissimam monitionem mente percipiens, qua dictum est, Cognosce te metipsum, volui taciturnitate quiescere, & maiorum patrum iudicium sustinere. Non enim euo-

ANNO
CHRISTI
451.

cationis æqualitas parem rerum seruat effectum : sed quando coactus cum euocatione concordat, tunc similitudo nominum habet rerum quoque impermutabilem veritatem. Verumtamen quoniã consultare nos tranquillitas vestra præcepit de vnoquoque capitulo quod continetur in precibus Deo amabilium confacerdotum Ægyptiacæ diocesis, manifestam meæ paruitatis facio voluntatem, moestus existens, & lacrymarum imbribus irrigatus, quid loquar ignorans, captiuitatem ac destructionem utique pietatis, illam tamen & pontificis lugens inopinabilem necem. Ea siquidem quæ in Alexandrina ciuitate commissa sunt, ex ipsa narratione declarant animi passionem, & ad vindictam tanti facinoris vestram solummodo prouocant æquitatem. Nam constituti ut orbem debeatis gubernare terrarum, indisciplinationis ægritudinem ad interitum perducentem mederi summo studio festinantes, non gladium euaginant ad necem, sed interminationis verbo indisciplinatos regulariter perducentes ad obedientiæ voluntatem. Sententiam itaque quam contra se Timotheus nefandus exegit, sanctiones apertius explanarunt, quas sua tyrannide sapius abnegauit, disciplinam ecclesiasticam confundendo, & iniurias inferendo, inimicus nescio quo modo totius Christianitatis effectus. Captus enim in talibus vestram iustitiam debet experiri solummodo, quoniam ad magnitudinem commissorum eius, sicut in precibus continetur, potestas ecclesiasticarum non sufficit sanctionum. Pando siquidem vestræ potentiæ & quid de sancto Calchedonensi Concilio sentire dignoscor. Hoc etenim nullatenus a veritate discordat, quoniã fidem traditam a sanctis beatisque trecentis decem & octo patribus consona voluntate diuina inspiratione firmavit, non dogma aliud introduxit, non alterum symbolum, non vanam expositionem, non dualitatem vnigeniti filii Dei, neque nouitatem aliquam celebravit : sed per omnia consonat etiam sacro Concilio centum quinquaginta sanctorum patrum pariter, & Ephesino, cui præfederunt ter beati & sanctissimi patres Cælestinus Romanæ pontifex ciuitatis, & Cyrillus Alexandrinus episcopus. Supplicamus igitur vestræ potentiæ, ut inuiolabiliter conseruetis ea quæ a Christo per ipsum de ipso bene

sunt constituta. Vbi enim tantorum erat congregata multitudo pontificum, & sanctorum praesentia euangeliorum, & frequens simul oratio, illic creaturae totius opificem inuisibili virtute credimus fuisse praesentem. Terror enim tunc nullus fuit imperialis auctoritatis, quoniam sanctae piaque memoriae Marcianus, amoris diuini diademate coronatus, spiritualement quoque suscipiens curam, festinauit apostolorum dogmata confirmari a praesulibus ecclesiae, desiderio fidei accensus orthodoxa. Quem cum vestra pietas imitatur, & victoriam contra barbaros adipiscitur, & veritatis quoque destruit inimicos.

Iulianus humilis episcopus definiens retuli.

XLVII.

EPISTOLA EPISCOPORVM
SYNODI CYZICENAE,
AD LEONEM IMPERATOREM.

Piissimo & Christianissimo, & iuste a Deo potestatem totius orbis & dominationem sortito, victori semper Augusto Leoni, Concilium humilium episcoporum, gratia Christi & nutu vestrae tranquillitatis in Cyzicorum metropoli celebratum, quae est Hellepontinae regionis.

QUANTVM ad fidem tuam, Christo amabilis atque piissime principum, neque sermo ad fauorem esse valebit aequalis. Claret enim, quoniam diuina pietas apud vos potius gubernat imperium. Nam propter eius fidei constantiam, voluntatem requiritis sacerdotum, quatenus ex omni concordia venerabilis fidei iura seruentur. Vnde studio vestrae serenitatis Christus omnium Dominus praebet effectum. Igitur sanctioni vestrae pietatis omni virtute & celeriter ministrantes, ea quae nobis cum magna de liberatione atque Concilio placuerunt, per has mediocres literas indicamus. Sacras etenim vestrae mansuetudinis literas relegentes, directas nobis per Eudoxium virum deuotum magistrinum, mox in ipsis principiis inuenimus fulgere pietatem, & maximum vestrae serenitatis & fidele certamen. Super haec autem & de morte sacerdotis inquisitionem illic positam, quam homicidae quidam non timuerunt suo iure committere in sanctae memoriae

Pro-